



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones ab Innocentio XIII. & Benedicto XIII. editas

Luxemburgi, 1740

CCXII. De reintegratione Eccl. S. Leonis Civ. Feretranæ juxta primævum
statum.

[urn:nbn:de:hbz:466:1-74724](https://nbn-resolving.org/urn:nbn:de:hbz:466:1-74724)

capien., abusus tollen., Fratres in Conventibus constituen., Priores mutan., aliaque in præmissis, & circa ea quoquo modo necessaria, & opportuna facien., geren., dicen., mandan., ordinan., ac itidem exequen., atque ad hunc effectum Cancellarium, aliosque Ministros sibi beneficos adumen., prout quoque contra Inobedientes Juris, & Facti remediis ad pœnas tam corporales, quam spirituales summarie, de plano, sine strepitu, & figura Judicii, quacumque appellatione, & recurso sublatis procedendi, auctoritate præfata, tenore præsentium constituimus, sancimus, ac deputamus. Mandantes propterea omnibus, & singulis dictæ Provincia Superioribus, Fratribus, & Personis, aliisque, ad quos spectat, ut ipsam Joannem Dominicum in Executorem, Commissarium Apostolicum in eadem Provincia, ac Præsidentem, sicut præmittitur, a Nobis deputatum reverenter suscipientes, & recognoscentes, illi in omnibus, & singulis præmissis prompte pareant, & obsequantur, ejusque salubria monita, & mandata humiliter suscipiant, & efficaciter adimplere procurent, alioquin sententias, sive pœnas, quas rite tulerit in rebelles, ratas habebimus, & faciemus, auctore Domino usque ad satisfactionem condignam inviolabiliter observari.

Derogato-
tis.

§. 9. Non obstantibus quoad ea, quæ præsentibus adversantur, prædictis Innocentii XI., & Clementis XI. literis, ac quatenus opus sit nostra, & Cancellariæ Apostolicæ regula de Jure quæsito non tollendo, aliisque Apostolicis, ac in universalibus, Provincialibusque, & Synodalibus Conciliis editis generalibus, vel specialibus Constitutionibus, & Ordinationibus, necnon prætorum Ordinis, Provincia, & Conventuum, aliisque etiam Juramento, confirmatione Apostolica, vel quavis firmitate alia roboratis statutis, styliis, usibus, & consuetudinibus etiam immemorabilibus, Capitulorum generalium, & Provincialium Decretis; privilegiis quoque, Indultis, & literis Apostolicis eisdem Ordini, Provincia, & Conventibus, ac illorum Superioribus, Fratribus, & Personis quibuslibet sub quibuscumque verborum tenoribus, & formis, ac cum quibusvis etiam derogatoriis derogatoriis, aliisque efficacioribus, efficacissimis, & insolitis clausulis, & Decretis in contrarium præmissorum concessis, editis, confirmatis, & approbatis, ac pluries & quantiscumque vicibus innovatis. Quibus omnibus, & singulis, etiamsi pro illorum sufficienti derogatione de illis, eorumque totis tenoribus specialis, specifica, individua, & expressa, ac de verbo ad verbum, non autem per clausulas generales idem importantes mentio, seu quævis alia expressio habenda, aut aliqua alia exquisita forma ad hoc servanda foret, tenores hujusmodi, præsentibus pro plene, & sufficienter expressis, insertis, servatis, & specificatis respective habentes, illis alias in suo robore permanens, ad præmissorum effectum hac vice dumtaxat specialiter, & expresse derogamus, cæterisque contrariis quibuscumque.

Datum Romæ apud S. Petrum sub annulo Piscatoris die XXVI. Martii MDCCXXXIX. Pontificatus nostri Anno Quinto.

CCXII. Reintegratur *Motu proprio* Ecclesia S. Leonis Civitatis Feretrane ad Cathedralitatem Episcopi, Capituli, & Canonicorum juxta primævum statum.

Hac de re vide Greg. XIII. Const. ed. 1572. Maji 25. P. 1. & hujus Pontificis Const. ed. 1728. Nov. 15. Collegiata Terræ Fabriani erecta fuit in Cathedrali, ac Terra prædicta in Civitatem.

BENEDICTUS PAPA XIII.

MOTU PROPRIO &c.

§. 1. **N**uper Nobis innouit, quod Ecclesia Cathedralis Civitatis Feretrane ab antiquissimo tempore erecta fuit in Ecclesia Sancti Leonis ejusdem Civitatis, ibique per plura secula continuat cum non interrupta Episcoporum residentia, ex eo tamen, quod temporum progressu illius Dominium transiit in Ducem Urbini, qui illam non tam arte, quam natura munitissimam multo Militum Præsidio urgentibus Bellorum calamitatibus custodire satagebant, qua de causa Episcopo, & Canonicis ejusdem Cathedralis tutus, ac liber, ut decebat, non patebat accessus, ibique a sacris celebrandis, divinisque Officiis decantandis in maximum divini cultus detrimentum retrahebantur. Idcirco ad tollendas Canonicis excusationes Residentiæ non præstitæ felicis record. Gregorius XIII. Prædecessor noster inhærendo deliberationibus S. Pii V. pariter Prædecessoris, per suas literas incipien. - *Rationi congruit* - expedit. sub datum Romæ apud S. Petrum octavo Kalendas Junii 1572. prædictam Cathedrali Feretranam cum Episcopo, & integro Capitulo composito de unico Præposito, & sex Canonicis transfudit ad Ecclesiam Collegiatam S. Bartholomæi Pinnæ Billorum ejusdem Diocesis, declarando, quod liceret Episcopo, & Canonicis in prædicta Ecclesia S. Bartholomæi residere, & inibi Divina Officia cum illius Canonicis decantare, hoc insuper addito, quod prædictæ duæ Ecclesiæ Sancti Leonis, & S. Bartholomæi non amplius duæ Ecclesiæ una scilicet Cathedralis, & altera Collegiata nuncuparentur, sed unica tantum Ecclesia Cathedralis existeret, quodque in Ecclesia S. Leonis Cathedralitatis insignia remanerent, & dies festus ejusdem S. Titularis ibidem celebrari quotannis non desineret, & quia Præposito prædicta cura incumbere debeat Animarum deputato prius Vicario ad nutum ammovibili, & segregatis deinde nonnullis stabilibus ex eadem præpositura per Constitutionem similis record. Innocentii XI. pariter Prædecessoris expeditam sub Datum 5. idus Novembris 1682. Archipresbyteratus cum actuali cura Animarum tanquam vera, & propria Parochia erecta fuit.

§. 2. Et quamvis per obitum ultimi Ducis Urbini devoluto integro statu ad Sedem Apostolicam, cessatis proinde anno 1645. bellorum turbinibus, amoto ingenti Militum Præsidio, eoque ad modicum numerum redactis, non solum Civitas prædicta, sed & tota Feretrana Provincia in præfata Ecclesia ad pristinum reduceretur statum, & cultum, enixe exoptaverit, ob defectum tamen Episcopalis Palatii, ex quo antiquum, aut prolapsum, aut inhabitabile redactum fuerat, eorum vota ad Sedem Apostolicam exponere non valuerunt; sed obienta postmodum ad hujusmodi effectum a Camera nostra Investitura Palatii olim de juribus Ducum Urbini per Chirographum similis record. Clementis X. pariter Prædecessoris, in quo summopere commendatur Episcopalis residentia apud Ecclesiam Leonis, causa nihilominus remissa, & deinde proposita in nostra Concilii Congregatione Resolutio dictæ Civitati prorsus contraria emanavit, & ratione dispendii in hujusmodi propositione passi, causa prædicta ulteriorem progressum non habuit.

Dat. 26. Martii
1729. An. 5.

Cathedrali Ecclesiam Civitatis prædictæ tam fuisse ab antiquissimo tempore in Ecclesia S. Leonis ejusdem Civitatis, referatur.

A Greg. XIII. tamen Cathedrali Feretranam justis de causis ad Ecclesiam Collegiatam Sancti Bartholomæi Pinnæ Billorum ejusdem Diocesis translata esse pariter narratur.

Cui cessatis causis translationis prædictæ Ecclesie Sancti Leonis ad pristinum statum redacta non sit.

1729.
Causæ præ-
sentis Con-
stitutionis.

§. 3. Nos autem serio considerantes nulla penitus culpa tunc temporis Civium multoque minus modernorum hujusmodi translationem expletam fuisse, sed ex mero rerum, ac temporum accidentalium eventu, Bellisque tunc irruentibus, quorum ratione tale Præsidium ibi residebat, quodque illius de causa prædicti Prædecessores translationem hujusmodi demandarunt; Causis proinde cessatis, æquum etiam esse cessare quoque debere earum effectus, cum Civitas prædicta non amplius sub Extraneorum, sed nostræ Apostolicæ Sedis pacifico, & quieto Dominio gubernetur; & (Deo favente) absque ullo Bellorum metu, Præsidium ad modicum Militum, & bene regulatum numerum redactum existat, attendentes, quod introitus, & redditus, quibus Canonici sic translati potiuntur, pro Cultu ejusdem Ecclesiæ Sancti Leonis fuerant assignati, quodque Canonicis prædictis antiquæ eorum Ecclesiæ restituti, Ecclesia nihilominus Pinne Billorum suo debito defraudata non remaneret obsequio, cum adhuc penes eam superessent binæ dignitates, octo, & ultra Canonici, ac quatuor, & ultra Ministri Mansionarii nuncupati, ac tandem Animo revolventes Cultui Divino congruum, nec Animarum salutem proficuum fore, quod amplius Ministris, & quidem propriis destituta remaneat Ecclesia prædicta mirabilis structura in duodecimo nostræ salutis saculo constructa, capax adhuc de præfenti, ut non solum ab antiquo, sed a Majori Ministrorum numero ei inserviat, & in ea Divina Officia decantentur. Nos qui jura Ecclesiarum omni cura tueri, custodire, & reintegrare studemus, audita prius relatione, & Voto Reverendissimi Archiepiscopi Urbinatensis præmissis providere, prout infra decrevimus.

Statum, & merita Causæ introducitur in Congr. Concilii super restitutione in integrum d. Ecclesiæ Sancti Leonis, Pontifex ad se advocat.

§. 4. Literas itaque prædictas fel. rec. Gregorii XIII. Prædecessoris, Decreta S. Pii V., ac Innocentii XI. rescripta, & resolutiones prædictæ Congregationis Concilii, statum, & merita Causæ coram ea introductæ, & olim ibidem pendentes, modernum statum, tam ejusdem Ecclesiæ S. Leonis, quam alterius S. Bartholomæi, Pinne Billorum in præmissis pro expressis, ac respectivè de verbo ad verbum insertis habentes, Causam hujusmodi cum omnibus suis emergentibus, dependentibus, annexis, & quibuscumque connexis in statu, & terminis in quibus reperitur ad Nos advocantes illam penitus cassamus, & abolemus, & extinguimus, ac pariter perpetuum silentium imponimus.

Reintegratio ad Cathedralitatem præd. Ecclesiæ Sancti Leonis, cum quibusdam ordinationibus.

§. 5. Ac Motu proprio, non ad alicujus super hoc Nobis porrectæ petitionis instantiam, sed ex nostra certa scientia, mera deliberatione, ac de Apostolicæ Potestatis plenitudine, Ecclesiam prædictam S. Leonis Civitatis Feretrane ad actualem Episcopatum, & Cathedralitatem Episcopi, & Capituli, & Canonicorum residentiam juxta primævum, & antiquum statum in omnibus, & per omnia reintegramus, & reponimus, mandantes Præposito, & Canonicis ejusdem Ecclesiæ S. Leonis antiquas possidentibus præbendas, quibus eorum Prædecessores ante dictam translationem fruabatur, ut ad eandem Ecclesiam accedere, penes eam residere, ibique more aliarum Cathedralium Divina recitare Officia, & sacra peragere, quam citius debeant, ac teneantur, ac si eorum translatio ad eandem Ecclesiam S. Bartholomæi peracta nunquam foret, prædictamque Ecclesiam Pinne Billorum cum suis Dignitatibus, & Canonicis etiam post translationem superadditis ad eundem statum Collegialitatis, in quo ante translationem prædictam constituta reperiebatur reponimus, & reducimus, & ad magis occurrendum decenti mantentioni prædictorum Capituli, & Canonicorum S. Leonis mandamus, & præcipimus Communitati ejusdem nostræ Civitatis, & Confratribus Societatis San-

ctissimi Sacramenti in eadem Ecclesia erectæ, ut singulis annis in perpetuum Præposito, & Canonicis sic restitutis perfolvere, ac exbursare debeant scuta sexaginta monete Romanæ pro medietate nempe a Communitate, & pro altera medietate a Societate prædicta sic æqualiter dividenda, in augmentum earum præbendarum, quæ ipsis autoritate nostra assignamus, & in uberio- rem supplementum cujusvis summæ, quam fortasse amitterent per hujusmodi segregationem a Dignitatibus, & Canonicis Ecclesiæ Pinne Billorum ipsisque quomodolibet usque modo obventæ, tam ex dispositione supradictæ Constitutionis Gregorii XIII., & S. Pii V. seu alias quomodolibet, statuimus itidem, & mandamus, ut firmo remanente moderno Archipresbytero, seu Parocho dictæ Ecclesiæ Sancti Leonis, ejus vita naturali durante, post illius obitum cura Animarum prædicta a moderno statu Parocho ad Præposituram revertatur, illicque, ut prius, incorporaretur, restituti etiam bonis pro Præbenda Parocho segregatis, & applicatis, & ad hoc, ut magis in dies Divinus Cultus augeatur, Communitatem prædictam, ac Cives, & districtuales in Domino hortamur, ut per erectionem novarum præbendarum satagant quam primum sacrorum Ministrorum numerum augere, idemque explere studeant, etiam Ministri Locorum Piorum, si commode fieri valeat, eorum instituti, oneribus, & laudabilibus consuetudinibus semper salvis.

§. 6. Declarantes præfentes nostras Literas in foris prædictarum Ecclesiarum S. Leonis Civitatis Feretrane, & S. Bartholomæi Pinne Billorum affixas, & publicatas quemlibet afficere, & adstringere, ac si omnibus personaliter forent intimatæ, & ne hujusmodi nostræ dispositionis plenarius effectus ullatenus retardetur in Executorem eligimus, & deputamus dilectum Filium Abbatem Joannem Petrum de Rubeis Clericum Vaden. J. U. D., ac Locumtenentem Civitatis nostræ Pisauri ejusque pro tempore in eo de munere Locumtenentes Successores Clericali tamen Charactere insignitos, quatenus opportunis juris remediis etiam suspensionis, excommunicationis, ac privationis Præbendarum, & successive declarationis, earum devolutionis ad Nos, & Datarium nostram præfixo Brevi, & competenti termino præfatis Præposito, & Canonicis ad nostris hisce mandatis parendum eos ad omnia, & singula præmissa exequenda cogat, & compellat, & alia desuper necessaria expellat, quacumque appellatione, & recursum penitus remotis, resolutiones itidem quascumque per dictam Communitatem Fetetranam faciendas quoad expansiones in præmissis necessarias cujusvis alterius licentia, & assensu minime requisitis pro ejus arbitrio confirmet, & approbet. Decernentes presentibus nostris Literis, licet non admissis, neque in Camera nostra registratis, non posse ullo unquam tempore opponi de subreptione, obreptione, vel alio quovis vitio, aut defectu voluntatis, vel intentionis nostræ etiam ex eo, quod modernus Episcopus Feretranus, ejusque Procurator Fiscalis, ac Dignitates, & Canonici tam Ecclesiæ S. Leonis, quam alterius S. Bartholomæi, & alii quicumque in præmissis forsan interesse habentes, vel habere quomodolibet prætendentes, ad hoc vocati, citati, vel auditi non fuerint, vel ex quavis alia causa quantumvis valida, legitima, urgenti, & juridica, etiam necessario exprimenda notari, impugnari, invalidari, ad terminos juris reduci, ac in jus, & controversiam revocari, aut adversus illas quodcumque juris, facti, vel grati remedium impetrari posse: sicque, & non aliter per quoscumque Judices Ordinarios, Commissarios, Delegates, Tribunalia Collegialia, etiam Sanctæ Romanæ Ecclesiæ Cardinalium, & a Latere

Causule
peculiare.

Legatos Nuncios Apostolicos Caufarum Palatii Apostolici Auditores, & alios quavis auctoritate fungentes, semper iudicari, & definiti debere, sublata eis, & eorum cuilibet quavis aliter iudicandi, & interpretandi facultate; ac ex nunc irritum, & inane, nulliusque roboris, & efficacia declarantes quidquid secus super iis, & circa ea quavis autoritate etiam a Nobis, vel Successoribus nostris pro tempore existentibus contigerit attentari.

Derogato-
riz.

§. 7. Non obstantibus supra dictis Decretis S. Pii V. Constitutionibus Clementis VIII., & Innocentii XI. lite olim pendente in Congregatione Concilii, ac etiam constitutione fel. patris rec. Pii IV. Prædecessoris nostri de registrandis, Regula Cancellariæ nostræ Apostolicæ de iure quæsito non tollent, Conciliaribus etiam Universalibus, Provincialibus, & Synodalibus, ac quibusvis aliis Constitutionibus Apostolicis per Nos, & Romanos Pontifices Prædecessores sub quibusvis tenoribus, & formis, ac cum quibusvis etiam derogatoriis derogatoriis, aliisque efficacioribus, & insolitis clausulis irritantibus, & aliis Decretis in genere, & in specie, etiam iteratis vicibus, & motu simili concessis, & approbatis, aut innovatis legibus, statutis, etiam juramento, confirmatione Apostolica, vel quavis firmitate alia roboratis, reformationibus, consuetudinibus, cæterisque aliis in contrarium quomodolibet disponentibus. Quibus omnibus, & singulis, ac omnibus aliis hic non expressis, & de quibus specialis, specifica, individua, & expressa, ac de verbo ad verbum non autem per clausulas generales idem importantes, mentio, aut quavis alia forma ad hæc servanda foret illorum tenore præsentibus pro expressis habentes, illis alias in suo robore permanentibus, hac vice dumtaxat harum serie, motu, & scientia similibus specialiter, & expresse derogamus, ac plene, & sufficienter derogatum esse decernimus, & declaramus.

Datum Romæ ex Palatio nostro Apostolico Vaticano hac die XXVI. Martii MDCCXXIX.

CCXIII.

Declaratur facultas Nuncio Neapolitano concessa procedendi contra cuiuscumque Ordinis Religiosos, favore Monachorum Congregationis Montis Virginis; idque *Motu proprio*.

Exempti fuerunt dicti Monachi a facultate Nuncii ab Urb. IV. Const. ed. 1264. Jan. 13. P. 2. Subiecti vero postmodum a Clem. VIII. Const. ed. 1592. Jun. 19. P. 1., & Const. ed. 1601. Aug. 22. P. 10.

BENEDICTUS PAPA XIII.

Motu proprio, &c.

§. 1. **E**Xponi nuper Nobis fecerunt Don Gallus Gallucci Abbas Generalis, & Abbas Don Ramirus Girardus Procurator Generalis Ordinis Sancti Benedicti Congregationis Montis Virginis, quod licet Monachi omnes ejusdem Ordinis degentes in Monasteriis sub obedientia Abbatis cum aliis requisitis per Concilium Tridentinum statutis, etiam si deliquerint extra Claustra, juxta Privilegia ipsis concessa per fel. rec. Urbanum Papam IV. Prædecessorem nostrum in Literis Apostolicis expeditis sub datum Idibus Januarii 1264., & dispositionem ejusdem Concilii cap. 14. sess. 25. de Regularibus, sint prorsus immunes, & exempti a Jurisdictione nostri in Regno Neapolitano Reverendissimi Nuncii, & subiecti privative tantummodo eorum Superioribus Regularibus, prout ita quoque declaravit Camera nostræ Generalis Auditor per Sententiam diffinitivam in contradicto-

rio Judicio promulgatam contra Curiam Nunciaturæ die 27. Novembris 1671. novas nihilominus modernus Nuncius excitavit prætenfiones procedendi contra eosdem Regulares sic exemptos vigore facultatum sibi concessarum per fel. rec. Clementem Papam VIII. nostrum pariter Prædecessorem in literis Apostolicis in forma brevis expeditis diebus 19. Junii 1592., & 22. Augusti 1601. sub inani etiam supposito, quod hujusmodi facultas ipsi delegata quoque appareat per idem Concilium Tridentinum in supra relato cap. 14. ac ex observantia approbata per fel. rec. Clementem XI. nostrum similiter Prædecessorem, non attenta remissione hujusmodi controversiæ præcedenter facta ad nostram eisdem Concilii Tridentini Congregationem, & alteram particularem specialiter delegatam, subortis proinde variis casibus, & remissa illarum cognitione eidem Nuncio causa propterea in eadem Congregatione Concilii, nec in altera particulari priori loco, ut supra, delegata, discussa, neque proposita extitit, agnoscentes modo ipsi Oratores non leve sibi inferri præjudicium per continuationem Jurisdictionis prædicti Reverendissimi Nuncii in detrimentum eorum exemptionis prædictæ, preces Nobis humiliter porrexerunt, ut pro majori eorum tranquillitate controversiam hujusmodi ad Nos avocare, & Privilegia prædicta juxta sensum dicti Concilii Tridentini, & literarum Apostolicarum interpretari, ac declarare, & sic ab ulterioribus vexationibus desuper usquemodo passis eximere, liberare, & alias opportune, prout juris fuerit Apostolica auctoritate providere dignaremur.

§. 2. Nosque, ut dissensiones, & jurgia inter Ecclesiasticos omni celeritate dirimantur, & ad hoc, ut Privilegia per Romanos Pontifices concessa contrario sensu non explicentur; auditis prius per Reverendissimum Episcopum Hieronymum nostrum modernum Auditorem de speciali nostro mandato Partibus prædictis, earumque Procuratoribus, & Defensoribus, tam in voce, quam in scriptis, visisque, & consideratis omnibus de jure videndis, & considerandis juxta illius sensum Nobis relatum, & cum illius voto Privilegia prædicta, & exemptionem respective declarare, litesque hujusmodi terminare, prout infra decernimus. Literas itaque Apostolicas Urbani Papæ IV. favore dictæ Congregationis Montis Virginis, & respective Clementis VIII. favore prædicti Reverendissimi Nuncii Privilegia, & facultate in eis, aliisque posterioribus literis etiam Clementis XI. concessas, & expressas, dispositionem quoque prædicti Concilii Tridentini in enunciato cap. 14., & alia quæcumque decreta in præmissis, & circa ea quomodolibet edita, & acta desuper gesta, totumque, ac integrum statum, & merita cause in eadem Congregatione Concilii; altera particulari Congregatione, & alio quocumque Judice, & Tribunali pendente, rationes itidem utriusque parti competentes singulariter, præsentibus pro expressis de verbo ad verbum habentes, causam, & litem prædictam in statu, & terminis, in quibus ad præsens reperitur cum omnibus, & singulis illius emergentibus, dependentibus, annexis, & connexis, & cum clausula, quam, & quas &c. ad Nos avocantes, illam penitus extinguimus, & abolemus, ac partibus prædictis perpetuum silentium imponimus, & autoritate nostra Apostolica declaramus, & decernimus Privilegia concessa dicto Reverendissimo Nuncio in Regno Neapolitano per eundem Clementem VIII. non aliter intelligi posse, & debere, quam de facultate procedendi contra cuiuscumque Ordinis Regulares exemptos, qui tamen sint devii, & errantes, & extra Claustra in delicto deprehenduntur; nullam propterea ipsi competisse, neque competere facultatem procedendi priva-

Prætenfiones tamen a Nuncio præd. excitatas esse procedendi contra eosd. refertur.

Hinc preces eorumd. pro declaratione præd.

Lis inter Monachos præfatos & prædictum Nuncium exorta aboletur.

Declaratio præd. facultatis Nuncio Neapolitano concessa procedendi contra cuiuscumque Ordinis Religiosos.

Dat. 29. Mar. 1729. An. 5.

Monachos præd. in Monasteriis degentes, licet extra Claustra deliquerint, exemptos esse a jurisdictione præd. Nuncii demonstratur.